



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs

Broj: 01-9-02-2-2118-1/22
Sarajevo, 28.04.2022.godine

SKUPŠTINA KANTONA SARAJEVO n/r predsjedavajućeg Skupštine

PREDMET: Odgovor na zastupničku inicijativu zastupnika Okerić Elvedina, dostavlja se;-

VEZA: Vaš akt broj:01-04-10427-27/22 od 23.03.2022. godine

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"- Drugi novi prečišćeni tekst br. 41/12, 15/13, 47/13, 47/15 i 48/16), dostavljamo odgovor na zastupničku inicijativu, koju je na 49. Radnoj sjednici Skupštine Kantona Sarajevo održanoj dana 15.03.2022. godine, u okviru tačke Dnevnog reda "Poslanička/zastupnička pitanja, inicijative i odgovori", uputio zastupnik Elvedin Okerić, koja glasi: **"Pokrećem inicijativu da se osiguraju sredstva za izgradnju objekta Policijske stanice Trnovo i da se hitno nađe alternativno rješenje za smještaj Policijske stanice."**

ODGOVOR

Uslijed obilnih kišnih padavina na području Kantona Sarajevo, koje su se desile u novembru mjesecu 2021. godine, a koje su prouzrokovale znatnu materijalnu štetu na objektu Policijske stanice Trnovo, predstavnici Ministarstva unutrašnjih poslova Kantona Sarajevo su, odmah nakon navedene elementarne nepogode, zajedno sa predstavnicima Opštine Trnovo i javnih preduzeća, izvršili obilazak objekta, zatim sačinili specifikaciju oštećenja na objektu, sredstvima i opremi i pokrenuli aktivnosti na čišćenju objekta, te odvozu uništenih podova i namještaja, kao i premještanju arhivske građe, jer su prostorije u prizemlju objekta oštećene i neuslovne. Izvršena je i popravka oštećenog kotla na pelet, kako bi sistem zagrijavanja bio u funkciji.

Uslijed veće oštećenosti, neuslovnosti i neupotrebljivosti prostorija u prizemlju, proces rada u Policijskoj stanici Trnovo organizovan je na prvom spratu objekta. Uzimajući u obzir činjenicu o znatnom oštećenju objekta, te da se isti nalazi u dosta lošem stanju, za čiju adaptaciju je potrebno izdvojiti značajna finansijska sredstva, bilo je potrebno izraditi kompletnu projektnu dokumentaciju, na osnovu koje će se izvršiti građevinsko-zanatski radovi na adaptaciji istog.



Adresa: Sarajevo, La Benevolencija 16

Tel: + 387 (0)33 286-701, 286-702,

Fax: + 387 (0)33 226-445

Web: <http://mup.ks.gov.ba>, Email: ministar@mup.ks.gov.ba

S tim u vezi, a kako bi se ispoštovale procedure propisane odredbama Zakona o javnim nabavkama i Uredbe o kontroli javnih nabavki u svim institucijama čiji je osnivač Kanton Sarajevo, a kojima je regulisana oblast javnih nabavki, izvršeno je istraživanje tržišta za projekat adaptacije i sanacije, a nabavka projektantskih usluga je uvrštena u Plan nabavki za 2022. godinu, te je također u toku izrada tenderske dokumentacije i u narednom periodu će postupak biti objavljen.

Ujedno Vas obavještavamo da Ministarstvo unutrašnjih poslova Kantona Sarajevo, u saradnji sa načelnikom Općine Trnovo, radi na iznalaženju lokacije za novi objekat Policijske stanice Trnovo.

S poštovanjem,

Prilog:

-Akt MUP-a KS, Upava policije broj:02/2-02-2-3082/22 od 05.04.2022. godine,

-CD x1.



Dostaviti:

1. Naslovu;
2. Stručna služba Vlade Kantona Sarajevo;
3. a/a.



05-04-2022
515/22

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02/2-02-2-3082 /22
Datum: 05.04.2022. godine

MINISTARSTVO UNUTRAŠNJIH POSLOVA KANTONA SARAJEVO
- n/r sekretara

PREDMET: Zastupnička inicijativa zastupnika Elvedina Okerića, odgovor, dostavlja se;-

Aktom Skupštine Kantona Sarajevo broj: 01-04-10427-27/22 od 23.03.2022. godine dostavljena je zastupnička inicijativa, koju je uputio zastupnik Elvedin Okerić na 49. Radnoj sjednici Skupštine Kantona Sarajevo održanoj dana 15.03.2022., sa sljedećim sadržajem:

„Pokrećem inicijativu da se osiguraju sredstva za izgradnju objekta Policijske stanice Trnovo i da se hitno nađe alternativno rješenje za smještaj Policijske stanice.”

ODGOVOR:

Na okolnosti predmetne inicijative Policijska stanica Trnovo je sačinila informaciju u kojoj je navedeno da je u poplavama u mjesecu Novembru 2021. godine na objektu Policijske stanice Trnovo pričinjena velika materijalna šteta, da su sve prostorije u prizemlju objekta oštećene i trenutno neupotrebljive (Centar veze i kriptozastite, videonadzora, arhive, kotlovnica, bife sa kuhinjom, toaleti, kao i kompletan inventar).

Odvijanje radnog procesa u objektu Policijske stanice je otežano, a iz naprijed navedenih razloga sve službe su premještene na sprat objekta, što je zahtijevalo nesebičan angažman policijskih službenika PS Trnovo, uposlenika Sektora za podršku MUP-a Kantona Sarajevo, ekipa preduzeća BH Telekoma, Elektrodistribucije, kao i općinskih službi općine Trnovo.

Potrebno je istaći da je s obzirom na konfiguraciju terena, objekat Policijske stanice Trnovo, svake godine periodično izložen poplavama, koje pričinjavaju materijalnu štetu, a uzimajući u obzir razvoj turističkih kapaciteta na olimpijskim planinama Bjelašnici i Igmanu, kontinuirano povećanje posjetilaca kao i veliko teritorijalno područje općine Trnovo, smatramo da je neophodno iznaći adekvatno rješenje za navedeni problem.

S poštovanjem,


POLICIJSKI KOMESAR
Ge... AS... olicije
Nusrət Selimović